



Broj: 15-03-16-5-23-31/24

Datum: 8.7.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka c) i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **usluga organizovanja putovanja i avio-karata**, objavljen na Portalu javnih nabavki Bosne i Hercegovine, Obavještenje o nabavci broj 1110-7-2-41-3-64/24, dana 7.6.2024. godine, a koji je proveden postupkom konkurentskog zahtjeva za dostavljanje ponuda.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga organizovanja putovanja i avio-karata je konstatovala da je rok za prijem ponuda u postupku dostavljanja kvalifikacionih dokumenata bio 26.6.2024. godine do 10:00 sati, te da su do navedenog roka na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača: VENTURA TRAVEL AGENCY d.o.o. Travnik, TREND TRAVEL d.o.o. Sarajevo i RELAX TOURS d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni kvalifikacionih dokumenata ponuda, broj 15-03-16-5-23/24 od 26.6.2024. godine, u kojem su detaljno obrazloženi razlozi za poništenje postupka.

U postupku analize i ocjene ponuda Komisija je utvrdila da ponuđač TREND TRAVEL d.o.o. Sarajevo nije dostavio spisak izvršenih ugovora o pruženim uslugama koje su predmet nabavke u skladu sa tačkom 3.2.1. Tenderske dokumentacije, te je dostavio



pismo preporuke o izvršenom poslu iz kojeg se može zaključiti da je ugovor u fazi realizacije, što ne može smatrati potvrdom o uredno izvršenom ugovoru kako je traženo tačkom 3.2.1. Tenderske dokumentacije zbog čega je ponuda ocijenjena nekvalifikovanom. Komisija je dalje utvrdila da ponuđač RELAX TOURS d.o.o. Sarajevo dostavio potvrdu o uredno izvršenom ugovoru iz kojeg je vidljivo da se radi o ugovoru koji je u fazi realizacije, što se ne može smatrati potvrdom o uredno izvršenom ugovoru kako je traženo tačkom 3.2.1. Tenderske dokumentacije zbog čega je i ovu ponudu ocijenila nekvalifikovanom.

Utvrđeno je da ponuda ponuđača VENTURA TRAVEL AGENCY d.o.o. Travnik ispunjava sve zahtjeve u pogledu učešća u postupku javne nabavke, odnosno ista je kvalifikovana.

Analizom ponuda, u postupku ocjene kvalifikacione dokumentacije, Komisija je utvrdila da su u postupku pristigle tri ponude od kojih je samo jedna kvalifikovana, te cijeneći da se radi o postupku u kojem je predviđeno mini-tenderisanje gdje se okvirni sporazum zaključuje s više ponuđača za isti predmet nabavke, a da broj ponuđača s kojima se zaključuje okvirni sporazum ne može biti manji od tri. Zbog navedeno Komisija je dala preporuku da se donese odluka o poništenju predmetnog postupka javne nabavke u skladu sa članom 69. stav (2) tačka c) Zakona.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
digitalno potpisano / digitally signed